

Uunga siunnersuut: Isumaginninnermut suliassaqarfimmi pissaanermik atuineq pillugu Inatsisartut inatsisaat nr. xx, xx 2013-imeersoq
(Ilaqutariinnermut Inatsisinillu Atuutsitsinnermut Naalakkersuisoq)

Akissuteqaat

(Ilaqutariinnermut Inatsisinillu Atuutsitsinnermut Naalakkersuisoq)

Aappassaanneerreqarnera

Aallarniutigalugu Ilaqutariinnermut Peqqissutsimullu Ataatsimiititaliap isumaliutissiissummik suliarilluakkamik naleqquttumillu suliaqarsimanera qujassutigissavara.

Inatsisissatut siunersuummi siunertaavoq Immikkoortoq II-mi malittarisassani ulloq unnuarlu paaqqinniffiit tamarmik pineqassasut. Tassunga atatillugu erseqqissumik oqaatigineqassaaq ulloq unnuarlu paaqqinniffiit namminersortunik ingerlanneqartut tassatuaammata ulloq unnuarlu paaqqinniffiit imminutpigisut Naalakkersuisut ingerlatsinnermut isumaqatigiissuteqarfigisinnaasai.

Ukiumoortumik nalunaarutit siunnersuummi aalajangersakkat malillugit Naalakkersuisunit kommuniniillu tiguneqartartut aallaavimmikkut tamanut saqqummiunneqarsinnaassapput. Taamaattorli inuup namminerimi inuuneqarnera illersussallugu pingaaruteqarpoq, taakkulu killissarititit iluanni tamanut saqqummiussineq pisassaaq.

Siunnersuutip aappassaanneerreqarnissaanut isumaliutissiissummi Ilaqutariinnut Peqqissutsimullu Ataatsimiititaliamit paaserusunneqarpoq suliassaqarfiup nakkutigineqarnera eqqarsaatigalugu qanoq siuariartoqartigisimanersoq, sumullu meeqqanut inuusuttunullu suliassaqarfik killinnersoq. Siusinnerusukkut taaneqarnikuuvoq UPA 2012-imi meeqqanut inuusuttunullu ikiorsiisarneq pillugu inatsisartut inatsisissaattut siunnersuummik saqqummiussisoqarnissaa siunertaasimasoq. Tamanna pisimanngilaq. Siunnersuut tusarniaassutigineqarnikuuvoq, UKA 2013-imi tamanna nalunaarutigineqanngilaq siunnersuutip peqqissaarullugu inaarlugi suliarineqarnissaanik kissaateqartoqarsimammat, tamannalu angumerineqarsinnaasimanngimmat. Taamaammat siunnersuut pilersaarutit malillugit aatsaat UPA 2014-imi nalunaarutiginiarneqarpoq.

Meeqqanut inuusuttunullu nakkutilliinerup tungaatigut inatsisitigut inissisimanermit tunngatillugu oqaatigineqassaaq kommunalbestyrelsi meeqqanut inuusuttunullu ikiorsiisarneq pillugu inatsisartut peqqussutaanni § 4 naapertorlugi pisussaaffeqarmat meeqqat inuusuttullu atugarisaannik nakkutilliinissamik. Nakkutilliineq eqeersimaartumik paasisassarsiornikkullu pissaaq, kisiannili annertunerusumik allamik erseqqissarneqarani. Siunnersuummi UPA 2014-imi saqqummiunneqassamaartumi meeqqanut pisortat piumasaqarnerisigut angerlarsimaffiup avataanut inissinneqartunut immikkut nakkutiginnittoqarnissaa eqqunneqassaaq. Peqataanik taamatut immikkut nakkutiginninneq qanoq isumagineqassanersoq pillugu immikkut piumasaqartoqassaaq. Tamatuma saniatigut kommunalbestyrelsi inissiinerup kingornagut qaammatit pingasut qaangiutsinnagit piaartumik pulaarnissamik pisussaaffeqarpoq. Pulaartoqarnermi inissiivigineqartoq meeqqap inissinneqartup pisariaqartitaanik malitsinersoq qulakkeerlugu paasiniaavigineqassaaq. Aammattaaq aalajangersarneqassaaq tamatuma kingorna kommunalbestyrelsi ukiumut ikinnerpaamik marloriarluni nakkutilliisassasoq.

Inatsisartut inatsisissaattut siunnersuummi malittarisassanik atuisarneq eqqarsaatigalugu, tamanna aamma Naalackersuisut kommunalbestyrelsillu malitassaraat. Nakkutilliineq pissaanermik atuisimanermut nalunaarutit aqutigalugit pissaaq. Kommunit ataatsimut isigalugu innuttaasut ikiorsiineramik pisariaqartitaannik ikiussallugit pisussaaffeqarnerat allanngoraviannigilaq.

Ilaqutariinnermut Peqqissutsimullu Ataatsimiititaliap isumaliutissiissummi, siunnersuutip aappassaaneerpeqarnerani tunniunneqartumi, ujartorjaa Isumaginninnermut Naammagittaalliuuteqartarfimmi suliat qanoq siviutigisumik suliarineqartarnerannut politikikkut anguniakkat pillugit Naalackersuisut piaartumik ilisimatinneqarnissaat.

Tamanna aallaavimmigut inatsisartut inatsisissaattut siunnersuummut matumunnga toqqaannartumik attuumassuteqanngilaq. Isumaginninnermut Naammagittaalliuuteqartarfiup sulinerata piareersarneqarnera Ilaqutariinnermut Inatsisinillu Atuutitsinnermut Naalackersuisumit isumagineqanngilaq, taamaammallu ajornartorsiutaasinnaasumut ataatsimut politikikkut isummersussallunga massakkorpiaq oqaaseqarsinnaanngilanga. Taamaattorli oqaatigineqassaaq uumap siunnersuutip kingorna suliaat Isumaginninnermut Naammagittaalliuuteqartarfimmut apuukkumaartussat Isumaginninnermut Naammigittaalliuuteqartarfimmi pingaartinneqarumaartut suliami iliuuserineqartut suussusiat pequtigalugu.

Naalackersuisuttaaq Ilaqutariinnermut Peqqissutsimullu Ataatsimiititaliap isumaliutissiissutaa tusaatissatut tiguaat.